

予筆代應且又不掩於人曰吾文有豪縱不為格律囚者此非  
吾文乃楊廉夫文也自京南歸時予見於天竺山謂予曰吾老  
且休矣吾子宋絕辨已白於禁林宋三百年綱目屬之子矣嗚  
呼今亡矣吾終不得為公史臣徒矣悲夫因其鄉生浙西道廉  
訪司僉事鄭公深出其徒宋濂狀求予銘遂忍而銘且悼喪亂  
未得謚於朝與其徒私謚曰文真先生銘之辭曰

大之星煜煜兮繡之水穆穆兮文之毓兮大星耀兮繡水壇  
兮文之逝兮惟文之鳴兮大音在邇爾鏘爾完兮我瑟我笙  
兮文之粵兮會之成兮氣一井兮有元氏之聲兮吁嗟今嘿嘿  
兮孰見古人之風風漉響以上駢兮膏吾車其曷從

有元文靜先生倪公墓碑銘代歐陽先生作

文聞房山高公克恭在南端時薦天下士五人曰教公繼翁鄧

公文原陳公康祖倪公淵姚公式天下謂之五僑鄧公官至法  
從教與姚卒官文學倪公晚始以縣大夫引年然皆以文行相  
高論五僑者不以位之崇卑優劣焉玄慕五僑如慕古人而倪  
公之孫璩奉公之門生鄭汝原所狀行來謁銘其墓玄忝論選  
之職銘公何憚抑何幸哉公諱淵字仲深其先浚儀人出漢御  
史寬裔五世祖南金以武弁仕宋從其君南遷因家錢唐四世  
祖某又從家烏程故今為湖州人曾祖俊民弟任祖椿年路分  
兵馬監押父守真自號愛山處士以公貴贈承務郎松江府判  
官母濮氏贈恭人公生而卓異精敏絕人讀書過目輒成誦嘗  
則前人之勤以自課命其書舍曰經鉅長遂通五經尤精於易  
三禮初用薦者言為本郡學錄及高公以五僑並薦於朝未報  
而行省調公杭州儒學正江泚字憐吉解平遣子從公受學且